

Es ge-
bähret nur
den grof-
sen Herren/
die Kriegs-
disciplin zu
reformirn.

sie schänden/schmähen vnnnd verachten höre: Wie wer-
den die jenige den Menschen mögen Ehr anthun/
welche auff Gott den Herren nichts achten: Was für
eine gute Ordnung vnnnd Disciplin / köndten wir in
eine solche böse vnnnd verderbte Materij/ trucken/graben
oder giessen: So ihr mir sagen vnd anziehen wollet/
die Schweizer vnnnd Spannier seyen gute Kriegsleute/
wolte ich euch zwahr gut rund bekennen/ daß solche gut/
ja vmb vil besser seyen/ dann die Italianer: aber da ihr
das jenig/ was ich euch biß daher angedeutet hab / vnnnd
dann diser beider Nationen Kriegsbräuch vñ Gewohn-
heiten/ fleißiger weget vnnnd betrachtet / werdet ihr aus-
gen scheinlich sehen/ daß es noch vmb vil fehle / daß ihre
Ordnungen zu einer solchen perfection, vñ Vollkom-
menheit kommen/ noch gelangt seyen/ als wie der Alten
Kriegs-disciplin. Die Schweizer/ oder Endtgnossen/
seind zu guten Kriegsleuten worden/ durch ein natürli-
chen Gebrauch/ so von dem jenigen / was ich euch noch
heüt angezeiget hab/ herkommen ist: Vnd die Hispanier/
durch eine Nötigung/ darumb/ daß sie dem Kriegswesen/
in einer frömbden Prouinz oder Landtschafft / nachzus-
gen/ alda sie getrungen vnnnd gezwungen waren/ entwe-
ders sich dapffer zuerzaigen/ vnnnd ihren Feind zu ober-
winden: oder aber zusterben/ vnnnd es mit der Haut zubes-
zahlen: Dieweil sie kein Ort hatten / dahin sie sich in der
Flucht saluirn, vnnnd in sicherheit begeben möchten. Aber
dises ist eine Güte vnd Geschicklichkeit / die an vnder-
schiedlichen orten bresthafft vnnnd ohnvollkommen ist:
dann sie haben nichts sonderlichs guts an ihnen/ als daß
sie gewohnt seind / des Feindts/ biß an die Spizen des
Spiesses. oder Schwerdts/ zuerwarten: vnnnd zu dem so
würde sich niemandts vnder ihnen finden/ der tauglich
were/ sie abzurichten vnd das jenige zulehren/ was ihnen
zu wissen vonnöten ist: sonderlich da derselbig einer an-
dern

dem